

UDHËZIM

Nr. 56, datë 19.11.2014

PËR KRITERET DHE PROCEDURAT E PRANIMIT DHE REGJISTRIMIT TË KANDIDATËVE QË APLIKOJNË PËR TRANSFERIM TË STUDIMEVE DHE PËR PROGRAM TË DYTË STUDIMI, NË PROGRAMET E CIKLIT TË DYTË TË STUDIMEVE ME KOHË TË PLOTË, NË INSTITUCIONET PUBLIKE TË ARSIMIT TË LARTË, NË VITIN AKADEMIK 2014-2015

Në mbështetje të nenit 102 të Kushtetutës, të neneve 34, 35 dhe 36, të ligjit nr. 9741, datë 21.5.2007, “Për arsimin e lartë në Republikën e Shqipërisë”, të ndryshuar, si dhe vendimit nr. 668, datë 1.8.2014, të Këshillit të Ministrave, “Për kuotat e pranimi dhe tarifat e shkollimit, në institucionet publike të arsimit të lartë, për programet e studimit të ciklit të dytë me kohë të plotë, “Master profesional” dhe “Master i shkencave”/“Master i arteve të bukura”, për vitin akademik 2014-2015”, i ndryshuar,

UDHËZOJ:

1. Kandidatët aplikojnë pranë institucioneve publike të arsimit të lartë për transferim të studimeve dhe për program të dytë studimi, nga data 19 nëntor 2014 deri në datën 27 nëntor 2014.

2. Studenti që aplikon për transferim studimesh, paraqet dokumentacionin e mëposhtëm pranë sekretarive mësimore që mbulojnë programin përkatës të studimeve:

a) Kërkesën drejtuar institucionit publik të arsimit të lartë (IAL) për programin e studimit, në të cilin kërkon të transferojë studimet (ose formulari i aplikimit);

b) Plani i plotë i programit të studimit nga ku transferohet;

c) Vërtetim të listës së notave, krediteve të fituara për çdo lëndë dhe detyrim të shlyer në ciklin e dytë të studimeve, i cili do të shërbejë për ekuivalentimin eventual të lëndëve të programit të studimit të ndjekur, si dhe programeve/syllabuset përkatëse të lëndëve të shlyera;

d) Fotokopje të diplomës së Maturës Shtetërore dhe të certifikatës së notave të noterizuar, e konfirmuar nga njësia përkatëse arsimore vendore (DAR/ZA), ose dublikatën e tyre. Kandidatët që kanë përfunduar shkollën e mesme përpara hyrjes në fuqi të vendimit nr. 876, datë 3.11.2010, të Këshillit të Ministrave, “Për disa ndryshime në vendimin nr. 78, datë 8.2.2006, të Këshillit të Ministrave, “Për krijimin

e Maturës Shtetërore dhe pranimet në shkollat e larta publike”, i ndryshuar, paraqesin dëftesën e pjekurisë (origjinal ose në rast fotokopjeje të saj, të njësuar me origjinalin, të konfirmuar nga njësia përkatëse arsimore vendore DAR/ZA).

Në rast se kandidatët kanë përfunduar shkollën e mesme përpara hyrjes në fuqi të vendimit të Këshillit të Ministrave nr. 876, datë 3.11.2010, “Për disa ndryshime në vendimin nr. 78, datë 8.2.2006, të Këshillit të Ministrave, “Për krijimin e Maturës Shtetërore dhe pranimet në shkollat e larta publike”, të ndryshuar, dhe kanë dhënë me sukses (me rezultate kaluese) provimet me zgjedhje të Maturës Shtetërore, paraqesin edhe dokumentin përkatës të lëshuar nga Agjencia Kombëtare e Provimeve.

Kandidatët që kanë kryer shkollën e mesme jashtë vendit duhet të dorëzojnë dokumentin e njohjes, të lëshuar nga MAS-i, të shoqëruar me fotokopje të njësuar me origjinalin në Republikën e Shqipërisë;

e) Fotokopje e njësuar me origjinalin në Republikën e Shqipërisë të diplomës universitare të ciklit të parë të studimeve, së bashku me suplementin e diplomës ose listën e notave. Në mungesë të diplomës, IAL-të publike pajisin kandidatin me një vërtetim që provon mbarimin e studimeve, konform ligjit nr. 9741, datë 21.5.2007, “Për arsimin e lartë në Republikën e Shqipërisë”, i ndryshuar, dhe akteve nënligjore në zbatim të tij, si dhe lejon regjistrimin në ciklin e dytë të studimeve. Kandidati paraqet vërtetimin në IAL-në ku kërkon të aplikojë, sipas afateve të parashikuara në këtë udhëzim dhe brenda 6 muajve, nëse është regjistruar pranë kësaj IAL-je dorëzon fotokopjen e njësuar me origjinalin të diplomës së lëshuar nga IAL-ja përkatëse. Për diplomën universitare të ciklit të parë të fituar jashtë vendit, të depozitohet dhe vërtetimi i njësimit nga Ministria e Arsimit dhe Sportit, ose në mungesë të tij, një dokument tjetër zyrtar mbi bazën e të cilit është kryer njësimi në Republikën e Shqipërisë, të lëshuar në vendin ku ka kryer studimet, që i lejon regjistrimin dhe vazhdimin e studimeve universitare në vendin përkatës. Në rast se nuk janë përfunduar procedurat e njësimit, kandidati dorëzon një vërtetim që konfirmon dorëzimin në MAS të dokumentacionit të parashikuar për njësimin e diplomës së ciklit të parë, dhe brenda 45 ditëve dorëzon vërtetimin përkatës të njësimit.

f) Fotokopja e dokumentit të identifikimit (kartë identiteti ose pasaportë);

g) Pagesën e tarifës së regjistrimit prej 3,000 lekësh;

h) Dy fotografi personale.

Dokumentacioni që disponohet në gjuhë të

huaj duhet të jetë i përkthyer dhe i noterizuar në Republikën e Shqipërisë.

3. Kanë të drejtë të aplikojnë për transferim studimesh të gjithë kandidatët, që:

a) Kanë përfunduar në Republikën e Shqipërisë me sukses studimet dhe janë pajisur me diplomën përkatëse ose me vërtetimin përkatës, sipas përcaktimeve në germën “P”, të pikës 2, të këtij udhëzimi, në një program të ciklit të parë “Bachelor” ose në një program të integruar të studimeve të ciklit të dytë, i cili rezultoi i akredituar në momentin e diplomimit të studentit, si dhe kanë ndjekur një program studimi të ciklit të dytë brenda ose jashtë vendit të akredituar në momentin e transferimit;

b) Janë diplomuar jashtë vendit në një program studimi të ciklit të parë “Bachelor” ose në një program të integruar të studimeve të ciklit të dytë dhe kanë kryer njësimin e diplomës pranë MAS-it ose janë në proces njësimi, si dhe kanë ndjekur një program studimi të ciklit të dytë të akredituar në momentin e transferimit brenda ose jashtë vendit.

4. Transferimi i studimeve mund të bëhet në një program studimi të njëjtë ose të ngjashëm të të njëjtit cikël dhe tipologji. IAL-ja mund të përcaktojë kriteret të tjera shtesë për përzgjedhjen e studentëve që aplikojnë për transferim apo për program të dytë studimi.

5. IAL-të nuk mund të pranojnë aplikime për transferime gjatë vitit akademik.

Transferimi i studimeve do të kryhet në zbatim të procedurave dhe afateve të parashikuara në këtë udhëzim.

6. Transferimet nga IAL-të private bëhen vetëm nga programe të akredituara. IAL-ja mund të përcaktojë kriteret të tjera shtesë, të cilat përcaktohen në statut, në rregulloret përkatëse.

7. Studenti që aplikon për transferim studimesh apo për program të dytë studimi nuk duhet të jetë duke ndjekur njëkohësisht një program tjetër studimi të çfarëdolloj cikli, në IAL-të publike e private.

8. Për të aplikuar për program të dytë studimi, studenti paraqet dokumentacionin e parashikuar në gërmat “e”, “f”, “g”, “h”, “i”, të pikës 2, të këtij udhëzimi, si dhe dokumentacionin e mëposhtëm, pranë sekretarive mësimore që mbulojnë programin përkatës të studimeve:

a) Kërkesë drejtuar IAL-së publike, në të cilin aplikon për program të dytë studimi (ose formulari i aplikimit);

b) Fotokopje e njësuar me origjinalin, në Republikën e Shqipërisë, të diplomës universitare të ciklit të dytë të studimeve, së bashku me suplementin e diplomës ose listën e notave. Në mungesë të diplomës, IAL-të publike pajisin

kandidatin me një vërtetim që provon mbarimin e studimeve, konform ligjit nr. 9741, datë 21.5.2007, “Për arsimin e lartë në Republikën e Shqipërisë”, i ndryshuar, dhe akteve nënligjore në zbatim të tij, si dhe lejon regjistrimin në ciklin e dytë të studimeve. Kandidati paraqet vërtetimin në IAL-në ku kërkon të aplikojë sipas afateve të parashikuara në këtë udhëzim dhe brenda 6 muajve, nëse është regjistruar pranë kësaj IAL-je, dorëzon fotokopjen e njësuar me origjinalin të diplomës së lëshuar nga IAL-ja përkatëse. Për diplomën universitare të ciklit të dytë, të fituar jashtë vendit, të depozitohet dhe vërtetimi i njësimit nga Ministria e Arsimit dhe Sportit. Në mungesë të tij, një dokument tjetër zyrtar, mbi bazën e të cilit është kryer njësimi në Republikën e Shqipërisë, të lëshuar në vendin ku ka kryer studimet, që i lejon regjistrimin dhe vazhdimin e studimeve universitare në vendin përkatës. Kandidatët të cilët nuk kanë njësuar diplomën universitare, të fituar jashtë vendit, aplikojnë për njohje diplome. Kandidati dorëzon në dosje një vërtetim mbi aplikimin e tij për njësim diplome në MAS.

c) Plani i plotë i programit të studimit, përfshirë dhe syllabuset përkatëse, vërtetimin e listës së notave dhe krediteve të fituara për çdo lëndë dhe detyrim të shlyer, i cili do të shërbejë për njohjen e provimeve të shlyera dhe/ose e krediteve përkatëse, nëse kërkohet njohja e provimeve të shlyera dhe/ose e krediteve përkatëse.

9. Kanë të drejtë të aplikojnë për program të dytë studimi të gjithë kandidatët, që:

a) Kanë përfunduar në Republikën e Shqipërisë me sukses studimet dhe janë pajisur me diplomën përkatëse ose me vërtetimin përkatës, sipas përcaktimeve në germën “f”, të pikës 2, të këtij udhëzimi, në një program të ciklit të parë “Bachelor” ose në një program të integruar të studimeve të ciklit të dytë, si dhe në një program studimi të ciklit të dytë, sipas përcaktimeve në germën “b”, të pikës 9, të këtij udhëzimi, të cilët rezultojnë të akredituar në momentin e diplomimit të studentit;

b) Janë diplomuar jashtë vendit në një program studimi të ciklit të parë “Bachelor” ose në një program të integruar të studimeve të ciklit të dytë, si dhe në një program studimi të ciklit të dytë, dhe kanë kryer njësimin e diplomës pranë MAS-it ose janë në proces njësimi.

10. IAL-ja shpall listat e kandidatëve që kanë aplikuar për transferim studimesh dhe ato të kandidatëve që kanë aplikuar për program të dytë studimi, në vende të dukshme brenda datës 1 dhjetor 2014 deri në datën dhjetor 2014. Komisionet kryejnë vlerësimin e dosjeve në

zbatim të kuadrit ligjor e nënligjor në fuqi, si dhe të kriterëve të tjera shtesë, të miratuara në statutin apo rregulloret përkatëse të IAL-së dhe të programit të studimit, të cilat duhet të shpallen në vende të dukshme brenda datës 4 dhjetor 2014. Kriteret e vlerësimit t'u bëhen me dije, në momentin e aplikimit të gjithë kandidatëve, së bashku me pikët vlerësuese për çdo kriter vlerësimi.

12. Komisioni kryen renditjen e kandidatëve bazuar në pikëzimin për çdo kriter vlerësimi dhe vlerëson kandidatët me statusin fitues/jofitues. Këto të dhëna shpallen nga dekanati përkatës në ambientet e fakultetit dhe IAL-së, si dhe faqet *web* përkatëse, të plotësuara sipas tabelave nr. 1a dhe nr. 1b, të parashikuara në shtojcën nr. 1 të këtij udhëzimi, respektivisht, për kandidatët që kanë aplikuar për transferim studimesh dhe për kandidatët që kanë aplikuar për program të dytë studimi, brenda datës 4 dhjetor 2014, IAL-të dërgojnë tabelat në MAS, në formë shkresore dhe elektronike, në format Excel.

13. Kandidatët fitues kryejnë regjistrimin e tyre përfundimtar në IAL, nga data 5 dhjetor 2014 deri në datën 10 dhjetor 2014, duke paraqitur dokumentin original të çregjistrimit, nga IAL-ja nga ku transferohet, i cili përmban:

- i) emër, atësi, mbiemër;
- ii) datëlindja;
- iii) vendlindja;
- iv) shtetësia;
- v) numri i matrikullimit që ka pasur në programin e studimit të ciklit të parë;
- vi) emërtimi i IAL-së dhe i programit të studimit të ciklit të parë, si dhe forma e studimit;
- vii) numri i matrikullimit, si dhe emërtimi i programit të studimit të ciklit të dytë dhe fakultetit përkatës në IAL-në nga ku transferohet;
- viii) cikli dhe forma e studimit;
- ix) data e regjistrimit në programin e studimit të ofruar nga IAL-ja nga ku transferohet;
- x) data e ndërprerjes së studimeve.

14. Më datë 11 dhjetor 2014, IAL-ja shpall në vende të dukshme, publikon në faqen e saj *web*, si dhe ia përcjell MAS-it elektronikisht, listën emërore të kandidatëve të regjistruar.

15. IAL-të publike i dërgojnë MAS-it dhe AKP-së, brenda datës 30 dhjetor 2014, me shkresë zyrtare përmes postës, listën e studentëve të regjistruar, në formë shkresore dhe elektronike, në format Excel, me qëllim pajisjen me numër matrikullimi. Për të gjithë emrat e studentëve të dërguara pas kësaj date nuk do të procedohet me dhënien e numrave të matrikullimit dhe nga AKP-ja do të kërkohet çregjistrimi i tyre.

16. AKP-ja brenda datës 30 janar 2015, u dërgon IAL-ve publike në rrugë postare, listën me numrat e matrikullimit të studentëve. IAL-të publike çregjistrojnë studentët e papajisur me numër matrikullimi, si dhe ia komunikojnë çregjistrimin AKP-së brenda 10 ditëve nga marrja e komunikimit zyrtar nga AKP-ja me listat me numrat e matrikullimit.

17. Në të gjitha rastet, kandidati duhet të nënshkruajë deklaratën sipas shtojcës nr. 2 të këtij udhëzimi.

18. Ngarkohen për zbatimin e këtij udhëzimi, sekretari i përgjithshëm, Drejtoria e Arsimit të Lartë dhe Shkencës, në Ministrinë e Arsimit dhe Sportit, Agjencia Kombëtare e Provimeve, si dhe institucionet publike të arsimit të lartë.

Ky udhëzim hyn në fuqi menjëherë dhe botohet në Fletoren Zyrtare.

MINISTËR I ARSIMIT DHE SPORTIT
Lindita Nikolla

Tabela 1a. Tabela me të dhënat e të gjithë kandidatëve që kanë aplikuar për transferim të studimeve.

Nr.	Emër	Atësi	Mbiemër	Datëlindje	Emërtimi o programit të studimit (cikli II) nga transferohet dhe lloji	IAL-ja nga transferohet	Viti i studimit i ndjekur në vitin akademik 2013-2014	Kreditet (ECTS) të grumbulluara nga kandidati	Emërtimi i programit të studimit (cikli II) nga transferohet dhe lloji
1									
2									
....									

Tabela 1b. Tabela me të dhënat e të gjithë kandidatëve që kanë aplikuar për program të dytë studimi

[illegible]



Shtojca nr. 2

DEKLARATË

Unë i nënshkruari _____, lindur më _____
emri atësia mbiemri
 me kartë identiteti/pasaportë nr. _____

1. Autorizoj institucionin e arsimit të lartë _____ Ministrinë e Arsimit dhe Sportit dhe Agjencinë Kombëtare të Provimeve për trajtimin e të dhënave të mia personale në kuadër të aplikimit dhe regjistrimit për vazhdimin e studimeve universitare në institucionin e sipërcituar, si dhe publikimin eventuale të tyre.
 Autorizoj, gjithashtu, Ministrinë e Arsimit dhe Sportit dhe Agjencinë Kombëtare të Provimeve për kryerjen e të gjitha verifikimeve dhe marrjen e të gjitha informacioneve lidhur me: studimet universitare ku kam aplikuar për t'u regjistruar, periudhën e studimeve të kryera më parë dhe çdo verifikim tjetër që lidhet me sa më sipër.
2. Deklaroj se nuk kam aplikuar për t'u regjistruar në asnjë institucion tjetër të arsimit të lartë, për vitin akademik 2014-2015.
3. Deklaroj se nuk po ndjek ndonjë program tjetër studimi në institucione të tjera të arsimit të lartë dhe se nuk do të ndjek njëkohësisht një program tjetër studimi, deri në përfundimin e programit të studimit ku po aplikoj.
4. Deklaroj se jam njohur me udhëzimin e ministrit të Arsimit dhe Sportit "Për kriteret dhe procedurat e përzgjedhjes dhe regjistrimit për kandidatëve që aplikojnë për transferim të studimeve dhe për program të dytë studimi, në programet e ciklit të dytë të studimeve me kohë të plotë, institucionet publike të arsimit të lartë në vitin akademik 2014-2015" dhe jam i qartë për procedurat e aplikimit për transferim/program të dytë studimi, si dhe plotësoj kriteret e parashikuara në urdhrin e ministrit të Arsimit dhe Sportit "Për shpërndarjen e kuotave të transferimit të studimeve, si dhe kuotat për programe të dyta studimi, në programet e ciklit të dytë të studimeve me kohë të plotë, "Master profesional" dhe "Master i shkencave"/"Master i arteve të bukura", në vitin akademik 2014-2015, për të aplikuar për transferim studimesh/program të dytë studimi".
5. Deklaroj se jam njohur në momentin e aplikimit me kriteret e tjera shtesë të miratuara në statutin apo rregulloret përkatëse të IAL-së të studimit, si dhe me pikët vlerësuese për çdo kriter vlerësimi, dhe jam dakord për sa më sipër.
6. Deklaroj vërtetësinë e të dhënave dhe dokumenteve të paraqitura. Jam i vetëdijshëm se, në rast deklarimit të të dhënave të pavërteta apo të paraqitjes së dokumenteve të falsifikuara apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore e nënligjore në fuqi. Në rast dyshimi për vërtetësinë e informacionit të deklaruar, Ministria e Arsimit dhe Sportit dhe/ose Agjencia Kombëtare e Provimeve dhe/ose IAL-ja nisin procedurën e kontrollit të tyre duke ia përcjellë këto të dhëna eventualisht edhe organeve kompetente.

 emër atësi mbiemër
 i kandidatit

 emër mbiemër
 i punonjësit të sekretarisë mësimore



Firma

Firma

Vendi: _____

Data: ____ . ____ . ____